

OHR pozdravlja odluku Ustavnog suda FBiH usmjerenu na usklađivanje tri kantonalna ustava sa Ustavom FBiH



Ured visokog predstavnika pozdravlja današnju presudu Ustavnog suda FBiH koja obavezuje skupštine Posavskog, Hercegovačko-neretvanskog i Zapadnohercegovačkog kantona da izmijene svoje ustave i usklade ih sa Ustavom FBiH, u dijelu koji treba da osigura punu jednakopravnost Srba kao konstitutivnog naroda, srpskog i bosanskog jezika, te ćirilичnog pisma.

Odluka visokog predstavnika iz 2002. godine kojom se donose amandmani na Ustav FBiH u okviru šire provedbe odluke Ustavnog suda BiH o jednakopravnosti konstitutivnih naroda utvrdila je da su sva tri konstitutivna naroda ravnopravna u Federaciji BiH, da su službeni jezici FBiH bosanski, hrvatski i srpski, i da su službena pisma latinica i ćirilica. Kantoni imaju obavezu da usklade svoje ustave sa Ustavom Federacije BiH. Važno je da se neustavne odredbe u tri kantonalna ustava napokon usklade sa odgovarajućim odredbama Ustava FBiH.

Visoki predstavnik je više puta pozivao kantonalne vlasti da usklade svoje ustave sa Ustavom FBiH. "Pozivam kantonalne skupštine da provedu današnju presudu Ustavnog suda FBiH bez odlaganja, što je ne samo ustavna obaveza nego i prijateljski

gest dobre volje prema sugrađanima Srbima” poručio je visoki predstavnik.